

HYSBYSIAD GALW AM DALU'R DRETH GYNGOR

DATGANIAD AR OSTYNGIADAU AC ESEMPTIADAU

Mae'r datganiad hwn yn rhan o'r Hysbysiad Galw:-

YR HYN A NODIR AR Y BIL GOSTYNGIAD RHESWM AM Y GOSTYNGIAD

Gostyngiad Person Sengl	25%	Dim ond un oedolyn sy'n byw mewn eiddo a dyna ei unig gartref neu ei brif gartref.
Gostyngiad Diystyru	25%	Dim ond un oedolyn sy'n cael ei ystyried pan fyddwn yn cyfrifo faint o oedolion sy'n byw yn yr eiddo neu os rhoddir dau ddyfarniad o 25% nid ystyrir unrhyw oedolion sy'n byw yn yr eiddo. Gweler isod am esboniad pellach.

Os ydych wedi cael gostyngiad neu esemptiad, mae'n rhaid i chi roi gwybod os yw'n anghywir neu os bydd eich amgylchiadau'n newid mewn unrhyw ffordd. Os na fyddwch yn rhoi gwybod i ni o fewn 21 diwrnod, gallech gael dirwy o £50.

NODIADAU ESBONIADOL

1. GOSTYNGIADAU -

Os mai dim ond un oedolyn sy'n byw mewn eiddo, bydd gostyngiad o 25%. Caiff y bobl ganlynol eu diystyru pan fyddwn yn cyfrifo faint o oedolion sy'n byw mewn eiddo -

- Myfyrwyr llawn amser, nyrsys sy'n fyfyrwyr, prentisiaid a hyfforddeion hyfforddiant ieuenctid.
- Cleifion hirdymor mewn ysbyty a phobl mewn cartrefi gofal.
- Pobl â nam meddyliol difrifol.
- Pobl sy'n aros mewn rhai hosteli a llochesi nos.
- Gweithwyr gofal sy'n gweithio am gyflog isel, fel arfer i elusennau.
- Pobl ifanc 18 a 19 oed sydd yn yr ysgol neu sydd newydd adael yr ysgol.
- Pobl dros 18 oed y mae ganddynt hawl i gael budd-dal plant.
- Pobl sy'n gofalu am rywun ag anabledd nad yw'n briod iddo, yn bartner iddo nac yn blentyn o dan 18 oed.
- Aelodau o gymunedau crefyddol fel mynachod neu leianod.
- Aelodau a dibynyddion y lluoedd tramor.
- Gwŷr/gwragedd i fyfyrwyr nad ydynt yn Brydeinig.
- Diplomyddion
- Pobl sy'n Gadael Gofal dan 25 oed

Bydd y bil ar gyfer eiddo lle na chaiff un o'r ddau oedolyn eu cyfrif yr un peth â bil eiddo ag un preswlydd yn unig a byddwch yn cael gostyngiad o 25%. Os bydd rhywun nad yw'n cael ei ystyried yn byw ar ei ben ei hun, neu gyda phobl eraill nad ydynt yn cael eu hystyried, bydd gostyngiad o 50% yn gymwys. Os na fydd unrhyw un yn byw mewn eiddo o dan rhai amgylchiadau gellir rhoi gostyngiad o 50% i'r perchennog. Gweler Eiddo Gwag isod am ragor o wybodaeth

2. EIDDO ESEMPT -

Os yw eich eiddo yn esempt, nid oes angen i chi dalu'r Dreth Gyngor. Mae'r esemptiadau fel a ganlyn:

Dosbarth Esemptiad Rheswm dros Esemptio'r Eiddo

- A Bod gwaith strwythurol neu waith atgyweirio sylweddol wedi'i wneud neu'n mynd rhagddo yn yr eiddo, neu fod angen gwaith o'r fath. Hefyd ei fod heb ei ddodrefnu i raddau helaeth (esempt am hyd at 12 mis).
- B Neb yn byw yno ac elusen yn berchen arno (esempt am hyd at 6 mis)
- C Neb yn byw yno a heb ei ddodrefnu i raddau helaeth (esempt am hyd at 6 mis)
- D Wedi'i adael yn wag gan berson(au) sydd yn y carchar.
- E Wedi'i adael yn wag gan berson(au) sydd yn yr ysbyty neu gartref nyrsio/gofal.
- F Neb yn byw yno ar ôl i'r preswylwr/preswylwyr farw (esempt am hyd at 6 mis ar ôl profiant neu lythyrau gweinyddu)
- G Mae'r gyfraith yn gwahardd unrhyw un rhag byw yno
- H Neb yn byw yno ac wedi'i gadw ar gyfer gweinidog crefyddol.
- I Wedi'i adael gan berson(au) sy'n cael gofal mewn lle arall (heblaw ysbyty neu gartref nyrsio neu ofal).
- J Wedi'i adael gan berson(au) byw sy'n rhoi gofal mewn man arall.
- K Eiddo gwag sy'n eiddo i fyfyrwr/myfyrwr a dim ond myfyrwr/myfyrwr a oedd yn byw yno ddiwethaf.
- L Eiddo gwag wedi'i adfeddiannu.
- M Neuaddau preswyl yn bennaf ar gyfer llety myfyrwr.
- N Dim ond myfyrwr/myfyrwr sy'n byw yno, gan gynnwys unrhyw wŷr/gwagedd neu ddibynyddion nad ydynt yn Ddinasyddion Prydeinig na allant weithio na hawlio budd-daliadau, a'r rhai sydd wedi gadael yr ysgol neu'r coleg.
- O Yn eiddo i'r Ysgrifennydd Gwladol dros Amddiffyn.
- P Mae aelodau o'r lluoedd tramor yn byw yno.
- Q Neb yn byw yno a dan ofal ymddiriedolwr mewn methdaliad.
- R Safle carafán neu lanfa cwch nad yw wedi'i feddiannu.
- S Dim ond person(au) dan 18 oed sy'n byw yno.
- T Neb yn byw yno ond mae'n rhan o eiddo arall ac yn anodd ei osod.
- U Dim ond person(au) sydd â nam meddylion difrifol sy'n byw yno.
- V Mae diplomyddion penodol yn byw yno.
- W Rhandy neu ran annibynnol o eiddo y mae perthynas oedrannus neu anabl i breswylwyr gweddill yr eiddo yn byw yno.
- X Eiddo wedi'i feddiannu'n llwyr gan Bobl sy'n Gadael Gofal dan 25 oed neu gan gyfuniad o Bobl sy'n Gadael Gofal a myfyrwr

3. EIDDO GWAG AC AIL GARTREFI -

O 1 Ebrill 2019, mae'r Cyngor wedi penderfynu dileu'r gostyngiad o 50% a roddir i anheddau yn syth ar ôl iddynt dderbyn naill ai eithriad chwe mis gan eu bod yn wag heb eu dodrefnu neu eithriad 12 mis gan fod angen arnynt waith strwythurol neu waith atgyweirio helaeth neu gan fod y gwaith hwnnw ar y gweill. Mae hyn yn golygu y bydd y gost lawn bellach yn daladwy ar ôl i gyfnod eithrio'r annedd ddod i ben. At hynny, mae'r Cyngor wedi penderfynu codi premiwm 50% pellach lle mae eiddo heb ei feddiannu ac yn bennaf heb ei ddodrefnu am fwy na blwyddyn sy'n golygu y bydd y tâl wedyn yn cynyddu i 150%.

Mae rhai eiddo wedi'u heithrio rhag y tâl premiwm o 50%. Y rhain yw -

Eiddo sydd wedi'i farchnata i'w werthu neu osod – wedi'i gyfyngu i un flwyddyn

Anecsau sy'n ffurfio rhan o brif eiddo

Eiddo a fyddai'n breswylfa i rywun pe na bai'n byw yn llety'r lluoedd arfog.

Fel arfer bydd angen talu'r tâl llawn ar gyfer eiddo gwag wedi'i ddodrefnu ac ail gartrefi.

4. POBL AG ANABLEDDAU -

Os yw eich eiddo wedi'i addasu ar gyfer anghenion person anabl, gallech gael gostyngiad Anabledd yn y Dreth Gyngor. Os yw'ch eiddo ym mandiau B i H, byddem yn cyfrifo eich bil fel petai'r eiddo wedi'i osod yn y band yn union o dan yr un a ddangosir yn y rhestr brisio. Os yw eich eiddo ym mand A, byddem yn lleihau'r Dreth Gyngor gyda chanran sefydlog.

5. GOSTYNGIADAU'R DRETH GYNGOR -

Gallai Cynllun Gostyngiadau'r Dreth Gyngor helpu tuag at dalu eich Treth Gyngor os ydych ar incwm isel. Bydd y cynllun yn disodli Budd-dal y Dreth Gyngor o 1 Ebrill 2013.

I gael rhagor o wybodaeth am unrhyw un o'r gostyngiadau hyn ewch i www.caerdydd.gov.uk neu cysylltwch â ni. Gallwch hefyd gwblhau cais am ostyngiad person sengl, gostyngiad anabledd neu ofyn am ffurflen Gostyngiad y Dreth Gyngor ar-lein.

6. BANDIAU PRISIO'R DRETH GYNGOR -

Gwnaeth Asiantaeth y Swyddfa Brisio gwblhau ailbrisiad o'r holl eiddo yng Nghymru ac mae pob eiddo wedi'i osod yn un o naw band yn ôl ei werth cyfalaf ar 1 Ebrill 2003. Bydd eich bil ar gyfer y Dreth Gyngor yn dangos y band ar gyfer eich eiddo. Dyma'r bandiau yng Nghymru: -

Band	Gwerth yr Eiddo	Band	Gwerth yr Eiddo	Band	Gwerth yr Eiddo
A	Hyd at £44,000	B	£44,001-£65,000	C	£65,001-£91,000
D	£91,001-£123,000	E	£123,001-£162,000	F	£162,001-£223,000
G	£223,001- £324,000	H	£324,001-£424,000	I	£424,001 ac uwch

Os oes gennych unrhyw gwestiynau am eich band, gallwch gysylltu ag Asiantaeth y Swyddfa Brisio yn <https://www.gov.uk/contact-voa> neu drwy ffonio 03000 505505. Mae'r llinellau ar agor o ddydd Llun i ddydd Gwener rhwng 8:30am a 5:00pm

7. APELIADAU -

I gael rhagor o wybodaeth am eich band neu i apelio yn ei erbyn, cysylltwch ag Asiantaeth y Swyddfa Brisio yn <https://www.gov.uk/contact-voa> neu drwy ffonio 03000 505505.

Os hoffech wneud apêl yn erbyn rhai penderfyniadau gennym ni, fel materion am atebolrwydd, eiddo taladwy a chyfrifiad eich Treth Gyngor, cysylltwch â ni er mwyn i ni adolygu eich cais. Os nad ydych yn fodlon â'n hadolygiad, gallwch apelio i'r Tribiwnlys Priso.

8. ATEBOLRWYDD AR Y CYD A NIFERUS AR GYFER MYFYRWYR -

Ni all myfyrwyr fod yn atebol ar y cyd am y Dreth Gyngor â phobl nad ydynt yn fyfyrwyr. Os ydych yn credu eich bod wedi cael eich bilio yn anghywir, cysylltwch â ni. I gael rhagor o wybodaeth am fyfyrwyr a'r dreth gyngor ewch i www.caerdydd.gov.uk

9. GOSTYNGIAD YN ÔL DISGRESIWN -

Mae gennym ddisgresiwn i roi gostyngiadau i unigolion neu i gategoriâu eiddo penodol. Ni sy'n penderfynu ar lefel y gostyngiad hwn gan fod yn rhaid i ni dalu'r gost yn llawn.

10. DIOGELU DATA A RHANNU GWYBODAETH -

Caiff yr wybodaeth sydd gan y Cyngor mewn perthynas â'r Dreth Gyngor ei thrin yn gyfrinachol a chaiff ei phrosesu fel y caniateir dan Deddf Diogelu Data 1998 a'r Rheoliad Diogelu Data Cyffredinol (GDPR) o 25 Mai 2018. Gellir rhannu gwybodaeth gyda gwasanaethau eraill y Cyngor at ddibenion atal a chanfod twyll a chydymffurfio ag unrhyw ofynion cyfreithiol a rheoliadol. Mae dyletswydd ar yr awdurdod hwn i ddiogelu'r arian cyhoeddus y mae'n ei weinyddu a gall ddefnyddio'r wybodaeth a roddoch at y dibenion hynny. Mae'n bosibl y rhennir yr wybodaeth hon â chyrrff eraill sy'n gyfrifol am archwilio neu weinyddu arian cyhoeddus at y dibenion hyn. Er gwybodaeth bellach, cyfeiriwch at ein Hysbysiad Prosesu Teg Cryno yn <https://www.cardiff.gov.uk/CYM/Eich-Cyngor/Cyllid-y-cyngor/Rheoli-Cyllid-y-Cyngor/Pages/default.aspx> a'r Hysbysiad Prosesu Teg.

Cewch y testun llawn ar wefan Swyddfa Archwilio Cymru yn <http://www.audit.wales/cy/about-us/national-fraud-initiative/fair-processing-notice> neu cysylltwch â: Rheolwr Llywodraethu Gwybodaeth, Ystafell 357, Neuadd y Sir, Caerdydd CF10 4UW. E-bost: diogeludata@caerdydd.gov.uk

11. DULL TALU

Gallwch dalu'r Dreth Gyngor yn y ffyrdd canlynol:



Debyd Uniongyrchol

I drefnu debyd uniongyrchol: -
llenwch ffurflen gais ar-lein yn
www.caerdydd.gov.uk/ydrethgyngor




Rhyngrwyd

Gallwch dalu gyda cherdyn Debyd neu Gredyd ar y rhyngrwyd. Gallwch ddod o hyd i'r gwasanaeth hwn yn www.caerdydd.gov.uk/trethgyngor



Cerdyn Debyd / Credyd

I ddefnyddio ein system daliadau awtomatig, ffoniwch 029 2087 2088 a dewiswch opsiwn 1. Mae'r system ar gael 24 awr y dydd, 365 diwrnod y flwyddyn. Cyn ffonio bydd angen eich Rhif Cyfrif y Dreth Gyngor, eich Cerdyn Credyd neu Ddebyd arnoch a'r swm rydych am ei dalu.



Talu drwy'r Post

Anfonwch eich siec neu orchymyn post atom ni. Gwnewch eich sieciau neu archebion post yn daladwy i

Cyngor Dinas Caerdydd, nid swyddog unigol. Peidiwch ag anfon arian yn y post a chofiwch nodi rhif eich cyfrif y dreth gyngor pan fyddwch yn gwneud y taliad. Ni dderbynnir sieciau ôl-ddyddiedig.



Wyneb yn wyneb

Gallwch dalu ag arian parod neu siec mewn unrhyw Swyddfa Bost. Gallwch dalu ag arian parod mewn siopau sy'n arddangos yr arwydd PayPoint. Bydd angen cerdyn talu'r dreth gyngor arnoch i wneud y taliadau hyn. Os nad oes gennych gerdyn, cysylltwch â ni.

Manylion Banc

Banc Lloyds Plc, 31 Heol-y-Frenhines, Caerdydd CF10 2AG

Ein cod didoli yw 30-91-63
Rhif ein cyfrif yw 01467509

O 1 Ebrill 2020 bydd Banc y Cyngor yn newid i –

Nat West Bank, 96 Heol-y-Frenhines, Caerdydd, CF10 2GR

Ein cod didoli yw 52-21-06

Ein rhif cyfrif yw 20408838

12. TALU DROS AMSER

Os hoffech i'ch rhandaliadau redeg hyd at fis Mawrth yn hytrach na mis Ionawr, anfonwch e-bost atom (cofiwch gynnwys eich enw a'ch cyfeiriad) yn: ctax@caerdydd.gov.uk, ffoniwch (029) 2087 2088 neu ewch ati i drefnu debyd uniongyrchol fel y nodir uchod. Bydd hynny'n golygu eich bod yn talu llai bob mis. Yna byddwn yn anfon bil diwygiedig atoch a fydd yn cynnwys manylion eich rhandaliadau newydd.

13. NEWID MEWN AMGYLCHIADAU

Os yw eich amgylchiadau neu'ch cyfeiriad wedi newid, bydd angen i chi roi gwybod i ni ar unwaith. Rhaid i chi roi gymaint o wybodaeth â phosibl i ni. Er enghraifft, y dyddiad y gwnaethoch newid eich cyfeiriad, eich hen gyfeiriad a'ch cyfeiriad newydd, enw llawn y person sydd wedi prynu eich hen eiddo ac ati. Gallwch hefyd gwblhau ffurflen newid cyfeiriad ar-lein.

14. GOHEBIAETH

Mae'r Cyngor yn croesawu gohebiaeth yn Gymraeg a Saesneg a byddwn yn sicrhau ein bod yn cyfathrebu â chi yn eich dewis iaith boed yn Gymraeg, yn Saesneg neu'n ddwyieithog dim

ond i chi roi gwybod i ni pa un sydd well gennych. Ni fydd gohebu yn Gymraeg yn creu unrhyw oedi.

15. GWASANAETHAU AR-LEIN

Yn ogystal â threfnu debyd uniongyrchol ar-lein a rhoi gwybod i ni am newid yn eich amgylchiadau, gallwch hefyd ddefnyddio eich rhif cyfrif treth gyngor i fewngofnodi a gweld manylion eich taliadau treth gyngor, y taliadau yr ydych wedi'u gwneud ac unrhyw gostau sy'n ddyledus.

I ddefnyddio holl wasanaethau ar-lein y dreth gyngor, mewngofnodwch i'n gwefan www.caerdydd.gov.uk/trethgyngor.

I reoli eich cyfrif personol, y cyfan sy'n rhaid i chi ei wneud yw mewngofnodi drwy glicio ar 'Fy Nhreth Gyngor ar-lein'. Eich rhif cyfrif Treth Gyngor yw'r unig beth sydd ei angen arnoch. Gallwch ddod o hyd i'r rhif hwn ar eich bil Treth Gyngor neu unrhyw ohebiaeth gennym.

16. Cofrestru ar gyfer Bilio Electronig

Dyma'r ffordd gyflymaf, hawsaf a mwyaf ecogyfeillgar o reoli eich biliau. I gofrestru, ewch i www.caerdydd.gov.uk/biliautrethgyngor <<http://www.cardiff.gov.uk/counciltaxebills>> a dilynwch y cyfarwyddiadau neu lawriwythwch ein app Caerdydd gov am ddim ar yr Apple neu Google Play Stores. www.caerdydd.gov.uk/app <<http://www.cardiff.gov.uk/app>>

17. CYSYLLTU Â NI

Dylech bob amser ddyfynnu eich rhif cyfrif y Dreth Gyngor pan fyddwch yn cysylltu â ni

Ffôn: 029 2087 2088
Oriau agor: Llun - Gwener 8.30am - 6pm
Cyfeiriad: Treth Gyngor, Blwch SP 9000, Caerdydd, CF10 3WD
Ar-lein: www.caerdydd.gov.uk
E-bost: ctax@caerdydd.gov.uk
Wyneb yn wyneb Yr Ail Lawr, Hyb y Llyfrgell Ganolog, Yr Aes, Caerdydd, CF10 1FL
Agor: dydd Llun – Mercher 9:00 – 18:00;
dydd Iau 10:00 – 19:00, dydd Gwener 9:00 – 18:00, dydd Sadwrn 9:00 – 17:30.